

Cu Jazz y Latin Festival Aruba lo ta den centro di atraccion atrobe

ORANJESTAD(AAN)— Mescos cu durante 1987 e aña aki tambe Gobierno ta poniendo hopi atencion na atrae conferencia y eventonan cu ta pone Aruba mas y mas den centro di atencion internacionalmente. Durante 1987 Aruba a haya hopi atencion door di eventonan manera CTC, transmision pa Japon, windsurfing y sunfish competition. Pa aña 1988 tambe iniciativanan di Gobierno y particular ta preparando un programa cu sigur lo sigui duna e publicidad positivo pa Aruba cu ta asina importante pa nos desaroyo. Preparacionnan pa e "Aruba Jazz and Latin Festival" cu lo worde teni durante luna di Juni ta den proceso y e comision encarga a ser forma hunto cu e sub-comitenan. E comision organisador ta consisti di: Leo Tromp y Frank Granadillo di Instituto di Cultura, Rory Arends, Janice Arends, Myrna Jansen y Leoncio Croes di Aruba Tourist Authority, Joy Kock di

ASOMA, J.Roose di Financien, Jan Bodeker y notaris Lacle. E sub-comite nan respectivamente ta encarga entre otro cu: transportacion y seguridad; Tim Werleman y Joy Kock. Pa e parti tecnico; Leoncio Croes, Jan van Oost y Bencho Giel. Marketing/housing; Gery Pepermans y Janice Arends. Musica; Frank Granadillo, Eddy Samson, Ivan Jansen, Pepe Gonzales y Joy Kock. Financian/sponsorship; Rory Arends, Leo Tromp, J.Roose y J.Bodeker. Promocion/relaciones publicas/ publicidad; Myrna Jansen, Stanley Kuiperi y Suzy Maduro. Mas nombernan lo ser aña di na e sub comitenan, pa e organizacion di e "Aruba Jazz and Latin Festival" funciona optimalmente. Michael Kuiperi a ser nombra pa fungi como coordinador di e evento aki. E evento musical internacional aki lo worde teni na e stadion di Mariboro unda varios artista-

nan famoso di musica Jazz y Latino internacional y tambe gruponan local di nivel internacional lo presenta nan musica. Cada weekend den luna di

Juni lo presenta diferente artistanan y e evento aki lo atrae amantenan di Jazz y musica Latina di tur parti di mundo. Entre e artistanan cu ta planea pa

presenta tin nombernan Celia Cruz, George Benson, Mongo Santamaria, Al Jarreau, Paquito De Rivera, Willie Colon, Spyro Gyra y Jose Feliciano.



Un grupo di polis a sali cu loodsboot den oranan di anochi, pa asina nan por tin un mihor conocimiento di e area cu nan ta bay vigila. Manera ta conoci recientemente tabata tin un curso duna pa Sr. Cavidia caminda varios funcionarionan policial a participa. Awor ta en espera ariba e boto di polis cu lo ta caminda ariba corto plaso. Mientrastanto ta haci uso di e boto di polis chiquito cu ta den operacionnan na e momentonan aki. Awor falta e personal di Douane, ya cu segun por a comprende semper ta keda atras.

Dinner St. Patricks Day

ORANJESTAD(AAN) — Dia 17 di Maart 1988 Women's Club di Aruba ta organiza St. Patrick's Day Dinner na Hotel Americana.

Lo tin cocktail parti pa 7.30 y e dinner mes lo cuminsa pa 8'or. Biña henter anochi ta gratis.

Lo bay ein entre otro venta di obranan di arte di miembronan y artistanan local. Musica bailable te 3'or di marduga cu Sound & Harmony y

tambe doorprizes di kita sombre e.o. pasashi pa Amsterdam cu KLM, crucero ariba Britanis pa cortesía di SEL Maduro & Co, Weekend na Divi Divi Hotel y hopi mas premios valioso.

Ticketnan ta obtenibel na Antraco y cerca miembronan di Women's Club. Recaudacion di e anochi aki lo worde reparti entre e institucionnan caricativu cu tur aña ta ricibi yudanza di Women's Club di Aruba.

Frans Maas y KLM cu acuerdo di cooperacion

ORANJESTAD(AAN)— Frans Maas y KLM tin planes pa yega na un acuerdo di cooperacion pa termino largo.

E acuerdo ta encera cu ambos compania ta keda independiente y lo conserva nan identidad. Lo bay papia ariba e participacion minimo di KLM den Frans Maas.

E acuerdo aki ta pone cu Frans Maas ta den e posicion di mehora su red Europeo y amplia esaki.

Tambe Frans Maas lo probecha pa optimalisa su servicio logistica.

Frans Maas cu su servicio lo ta un bon ayudo pa e red intercontinental di KLM



OPEN:
7:30-12:00
3:00 - 7:00

JOONCHI

SUPERMARKET N.V.

Santa Cruz Macuarima 63 - A Antes MAS X MENOS Tel: 28662

MEAT PACKAGE:

- HIBA
- STOBA
- LOINRIBS TEMPERA
- MULA
- RABO DI BACA
- PIA DI GALIÑA

100 gr.
TUR PA

Afl. 16,-
ESTA BARATO

CHICKEN LEGS 5 lbs. . 4.25

TIENDA:

- WEBO (bruin) fresco pa dozijn . . . 2.35
- COMETA Toilet paper 40 roll. . . 13.95
- KHAL KHAN dogfood . . . 0.97
- SWEETHEART 12 oz. . . 1.65
- Habon dushi TULIP . . . 0.72
- CLUB SOCIAL 1 paki. . . 1.32

Cumpra cerca JOONCHI'S unda PRIJS pa PRIJS bo ta spaar ariba TUR ARTICULO. NOS TIN AMPLIO LUGAR DI PARKEER.